

Янгиланаётган йўллар



Ўтиб бораётган 2018 йил мамлакатимиз йўлсозлигида – янги йўллар қурилиши ва таъмири борасида ўзига хос из қолдириб кетмоқда. Қуйида худудлардаги ана шундай таъмирланган йўллардан айримлари хақида маълумот берамиз.

A380 "Гузор-Бухоро-Нукус-Бейнеу" автомобиль йўлининг Қорақалпоғистон Республикаси худудидан ўтувчи 698-753 километрлари оралиғида, яъни 10 км қисмида, шунингдек, 916-964 километрларидағи 5 км қисмида реконструкция қилиш ишлари якунланди. Мазкур йўлдан бир кеча кундуз давомида 14 мингдан ортиқ автомобиль қатнайди.

Таъмирлаш жараёнида буюртмачи – "Умумий фойдаланишдаги автомобиль йўлларини қуриш ва реконструкция қилиш дирекцияси" ДУК, бош пурратчи – "Қорақалпоғистон ЙМФУК" ҳисобланади.



Сирдарё вилоятидаги таъмирланган йўл

Юқорида номи келтирилган буюртмачи корхона томонидан амалга оширилган навбатдаги таъмир – Сирдарё вилоятидаги 4Р28 "Гулистон ш.-Еттисой қишлоғи" автомобиль йўлининг

0-3 км қисмида амалга оширилди. Мазкур объектда 2,7 км йўлга асфальт қопламаси ётқизилди, пиёдалар йўлаги, кўкаломзорлаштириш минтақаси, сугориш тизими йўлга кўйилди. Бундан ташқари 72 п/м узунликдаги йўл кўприги қурилди.



Сурхондарё вилоятидаги таъмирланган йўл

Сурхондарё вилоятининг "Термиз халқаро аэропорти – Ҳайратон кўприги" автомобиль йўлининг 1,5 км қисми замонавий талаблар асосида таъмирланди. Дастур бўйича мазкур йўлнинг қолган 4,5 км қисмида реконструкция ишлари яқунланмоқда. "Умумий фойдаланишдаги автомобиль йўлларини қуриш ва реконструкция қилиш дирекцияси" ДУК буюртмачилигидаги бу ишларда бош пудратчи – "Денов ТЙФУК" ҳисобланади.



Фарғона вилоятидаги таъмирланган йўл

Фарғона вилоятидаги 4Р-17е "А-373 автомобиль йўлидан – Кўқон шаҳар айланма йўлига" автомобиль йўлининг 4-9 км қисмида ҳам реконструкция ишлари якунига етказилди. Кўқон шаҳри худудида жойлашган мазкур обьектда 5 км йўл асфальт қопламаси билан қопланди, ёритиш тизими, йўл бўйлаб кўкаlamзорлаштириш ишлари учун сугориш тизими янгиланди, 5 та чорраҳада янги светофорлар, йўл белгилари ўрнатилди. Шунингдек, 16 та автобус бекатлари курилди.



Қўқон шаҳридаги янги қурилган бекат

Шаҳарнинг Шоҳруҳобод кўчасидан ўтган Қўқонсой кўприги устига ҳамда Моваруннаҳр кўчасидан ўтган Оқтепасой устига 30,3 п/млик 2 та янги йўл кўприги қуриб битказилди. Амалга оширилган ишлар натижасида – суткасига ўртacha 20 минг автомобиль қатновчи мазкур худуддаги аҳолининг ҳамда йўловчиларнинг муаммолари бартараф этилди.

Автомобиль йўллари давлат қўмитаси

матбуот хизмати